

Timotire Quran 1

Polji Timotire Quran funfungain ruaya.

Mimitaniŋ

Timoti jeŋoŋ ŋi iŋore maŋgo oi Juda ŋigo eru mamaine oi Grik ŋi. Iŋoji Eisia prowinsgo goku maŋine kerisieru Kristore ogoine fukeru goya. Onu goku Polre muraŋ fukeru bapi gako moko roregaru misin gio baku gobu. Pol yobinji Timoti egu bawaki eteiŋ ore manebu buŋo qoruine yokaomo manesuku Biŋe Quran yo quraŋgaya.

Manebu qoruine soguine oi qaqaŋi jijibuine. Goineji zioz maŋineo dimaku buŋo kekesiine qaŋi yareru gobuŋ, Polji yoŋore eru siŋaŋbobo buŋo sanaŋine quraŋgaya. Qaqaŋi yoŋo Juda yoŋore mamane eru morende mamane goine boduqodurebi funneyaŋuŋ jijibu fukeko iŋi manesiŋ garu miku ŋiŋigo qaŋi yareru gobuŋ: “Moreŋ eru ya sosowo ŋoneegobeneŋ, oi ya sembene. Ore eru goineji Sombunde biŋe fukenimiŋ ore yameŋ keku mamane soŋsoŋine funine mo so raugaru uqo mujande sowo eru agi goine kigaru ŋoe ŋonuŋ fukegobi ine, Anutuŋi buŋo oo qunŋaru munaŋ qa yareiŋ ore embimbingaiŋ.”

Manebu buŋo qoruine mo oi: Uruŋu maŋkekerisie kufufuŋ siŋaŋ yabebeneŋ poretiŋ Anuture ohowe baku miteŋ ganobuŋ. Polji ore unŋsowoŋ buŋoine papiago quraŋgaya. Onuakoŋ zioz siŋaŋ, babapi eru gio bobo ŋiŋigo goineji uruŋu eru gobi sagaga, ore buŋo buruine oi mitaniŋgaru quraŋgaya.

Tatariineo buŋo qoruine yokaomo oo Timotire kajeqouŋ buŋo goine quraŋgaya. Igokoine iŋoji uruŋu Yesu Kristore kiŋaŋqoqo fiine fukeru mamananesiŋ ŋiŋigo kubuine kubuine osi yaberu bapi yabeko sagaiŋ, ore kajeqouŋine quraŋgaru oteya.

Buk yoore mobe qoruine 3 oi iŋi:

Buŋo funfungain 1.1-2

Ziozre gio bobo yoŋore mimiti 1.3-3.16

Timotiji gioine baiŋ ore mimiti 4.1-6.21

1 ¹Anutu, Munanqoqo Raunoŋuŋ eru Kristo Yesuji siŋaŋ nobeiŋ ore origaru odigagobeneŋ, yokoŋi Pol noŋ mitiga nareru igodonŋgaru sore nubire aposol fukego. Kristo Yesure minebobo oŋuine fukeru goke buŋo mimane enimi ore quraŋ yo quraŋgago.

²O Timoti! Go maŋgo kerisieru Yesu manesiŋ garu mamanesinde madene sari fukeru goge. Mama Anutu eru Ofonŋonoŋuŋ Kristo Yesu, yokoŋi ŋonemaiŋ yaunmoriri garebire womoo goigoŋ.^a

Bojiqojibu egu qaji ŋarenimiŋ ore siŋaŋ bobo buŋo

³Masedonia prowinsgo raingo ore eboŋ, damanŋ oo iŋi mitiga gareboŋ, ‘Go Efesus sitio jikigaru goku maŋkekerisie kubu bapi yabeeigoŋ. Goineŋi mamanesinde buŋo mobeine goine jijibune qaji yareegobi, oi jikigaru egu enimiŋ ore sisiŋaŋ ee eku goinebi.’ Oŋu mitiga yareku gomiŋ ore miboŋ. ⁴Goineŋi nemu saiŋine saiŋine eru apa ŋaso yoŋore tina buruine buruine oi tatariine tomiri mimane ekabi qoqopuse keko kekepari eru buŋo weweu omaine fukeme manesuegobi. Yoŋoŋi maŋyaŋuŋ oo ruaru egu jibugainebi. Buŋo rekaine rekaine mimi oŋuine oi so yobu bapi yabeinŋyoŋ, Anuture gogo buru oi iŋi pega, ‘Moŋi Yesu manesiŋ garu maŋine kerisieme iŋoŋi oi munanŋ qa teko qowirieiŋ.’ Muŋambe oŋu eyaremiŋ ore moke maŋ papakarere buŋo migarego.

⁵Mitiga garego, ore moge oi manjijojoko. Nonŋi manjijojoko fukeiŋgo ore jigo qaku iŋi mitaniŋga yareru gomiŋ ore bapakare gugo: Yoŋo maŋyaŋuŋŋi gbagbataeŋine eiŋ ore sisiŋaŋ ee ebi mamane sembeneŋi oi so keŋigaiŋ. So keŋigame Anutuŋi saŋu qaega, oi maŋkajeyaŋuŋŋi soine maneru gonimiŋ. Oŋu goku Kristo poretiŋ manesiŋ gabi Anutuŋi maŋjokoine maŋyaŋuŋgo ruame soine fukeeiŋ. Manŋi joŋoko oiŋi botuyaŋuŋgo fukeiŋ ore yameŋ keego.

⁶Goineŋi Anuture gogo buruine oi ririru tiŋtuŋ eru buŋo mitomi omaine omaine kosa miegobi. ⁷Yoŋoŋi Anuture Kadi buŋore qaŋaji fukenimiŋ ore manegobiyonŋ, yoŋoyonŋ Biŋe buŋore fuŋne so mane mukuru jŋomai qaki akoŋ miegobi. Omaine ŋiŋigo jŋoyanŋuŋgo koimo dimaku buŋo sananŋgaru kosabasa miku jigo qaegobi.

⁸Anuture Kadi buŋo oi fiine yobu. Oi fuŋne pega ore so poretiŋ qaŋaji eku boyobebeneŋ soine bobianŋ nobeega, oi manegobeneŋ. ⁹Anuture Kadi buŋore fuŋne oi iŋi mane mukuinebi: Oi ŋiŋigo posiine poretiŋ yoŋore eru matayonŋ, Anutuŋi oi ŋiŋigo kekesiine botiŋ yabeinŋ ore eru ruame pega. Goineŋi kasigaru iŋi eegobi: Jauba qaŋgoqasa qaku buŋo qaki qoqomuku paiineo qoqo ŋoneŋiŋi eegobi. Wuwunuŋ eru agiburanyaŋuŋke goku jibu Anutu keta etebi maŋyaŋuŋ keŋigako qaqouma gogobi. Maŋgo mamayanŋuŋ eru goine yabeŋi komeegobi.

^a 1.2 Apo 16.1

¹⁰Boesau eegobi. Sodom taonngo ebuŋ, ore so kadi odureru ŋi yokoyoke akonŋ eru ŋigo yokoyoke akonŋ rorobobo eegobi. Ŋiŋigo bosembea yabenimiŋ ore qafagaru kipe yabeegobi. Buŋo ikoikoine miegobi. Buŋo miku mimipaŋ buŋoo kiperu jibu eadu eegobi. Anutuŋi eebobo poretiŋ ekimiŋ ore Bobiaŋ Biŋe noreya, oi akonŋ oi me oi eru baku oiji igogaegobi. Anuture Kadi buŋo oo ŋiŋigo mamanesinde kadi poretiŋ tiriegobi, oi botiŋ yabeinŋ ore eru pega. ¹¹Anutu, seŋgiŋbaŋgiŋ Rauine iŋoji mamanesinde kadi poretiŋ oi Biŋe buŋoo ruame pega. Nonji Bobiaŋ Biŋeine kuririineke misauebemiŋ ore manesiŋ nuru Biŋe buŋoine oi nareya. Oŋu.

Polji Ofoŋ yaunmoririinere ore miteŋ gaga.

¹²Kristo Yesuji maŋne osoeko gioine damaŋ so babemiŋ ore so fukebe ŋone nume sagako gioine nareme baego. Gio babemiŋ ore usuŋine nareru go wapega, ore Ofoŋoŋuŋ miteŋ gaku gogo. ¹³Nonji rone Yesure ogopu igosisi eyareru kekesuesue joineke eyareku gobonŋ. Oŋu gobonŋoŋ, ya oi Yesu so manesiŋ garu keoma mutu goku kosa eru baku gobonŋ. Agiburaŋ oŋu eru gobonŋ ore ŋonemaŋ enareku bogbore nume qowiriebonŋ.^b

¹⁴Ofoŋoŋuŋni yaunmoririine nareku boakonŋ yobu keseme nonde paio ropeya. Oŋu ropeko mamanesiŋneji fukeme maŋji jojokore kukure Rauine Kristo Yesu bofukebonŋ. Iŋoke qakatoru dimaku manjokoine raugaru ŋiŋigo maŋneji manjoko eyareego.

¹⁵Nonji ŋiŋigo goine sosowo yadureru agiburande ŋiŋigo yoŋore botugo soguneyaŋuŋ fukeru gobonŋ. Oŋu gobonŋoŋ, Kristo Yesuji agiburaŋ ŋiŋigo munaŋ qa noreinŋ ore eru moreŋgo wakiya. Buŋo koruŋ oi nondeo foriineke fukeya. Ore eru buŋo koruŋ oiji sanaŋ qanqanine fukeega. Oi ŋiŋigo sosowo manesiŋ garu roru sabarekimiŋ ore so fukega.

¹⁶Agiburande ŋiŋigo yoŋore soguneyaŋuŋ fukeru gobonŋoŋ, Kristo Yesuji noŋ yoore eru ŋonemaŋ enareya: Iŋoji noke maŋwomo paiineo munaŋ qa nareko Anuture maŋ kamasi totogo fukeinŋ ore mane sanaŋgaya. Nonde ŋadio ŋiŋigo goineji Yesu manesiŋ ganimiŋ, kamasiine oi yoŋore yadubemiŋ ore maneya. Oi yaduko soine afagaru maŋyaŋuŋ kerisieru gogo sanaŋinere biŋe fukenimiŋ. ¹⁷Ŋonemaŋ enareya ore eru Anutu miteŋ gaego. Iŋoji Kiŋ Ofoŋ tatariine tomiri fukeru goinŋ. Anutu moakonŋi damaŋ mogo so komeme kamasiine so ŋoneegobeneŋ. Nonji iŋore tinabiŋe damaŋ so miteŋ gabe tatariine tomiri kuririineke fukeru pe ropeinŋ. Buŋo oi foriine.

¹⁸O mamanesinde madene Timoti! Rone kajeqouŋ buŋo goine gore mibuŋ, buŋo oiji kitiŋga guko soine kuririgoke fukeru goigoŋ. Buŋo ore so iŋi mitiga garego: Goji gogo gbagbataeŋine gomiŋ ore jigo sanaŋine qaku goigoŋ.

^b 1.13 Apo 8.3; 9.4-5

¹⁹Jigo qaku oo mamanesiŋgo gbanjiru egu jibugaeiŋ ore ru baigoŋ. Maŋgo gake sisiŋaŋ eeku mamane sembeneji so keji game Anutuji maŋkajeo saŋu qaega, oi soine maneru goigoŋ. Ŋiŋigo goineji maŋ siŋaŋ yayabeyaŋuŋ bokeru kosa gobi mamanesiŋyaŋunji wirieru komekiine fukeru jaŋgaru mataeya. Ogâji koe karoŋaŋgo igoku jaŋgaga, ore so igojaŋqanjaŋ eru sembeabuŋ. ²⁰Mamanesiŋyaŋunji jaŋgaru mataeya, yoŋore botugo ŋi yoyoka tinayakuŋ Himeneus eru Aleksander gogobire. Nake botiŋ yapebemiŋ ore embimbiŋgaru maŋyakuŋ kerisienimi ore oi Satande meo rua yapeboŋ. Rua yapebe Satande tobiri eeboboyakuŋ ore so maneru maŋyakuŋ joisererende ore wirieko kerisieru igosisi moke jikigaru so eenobu. Oŋu.

Biŋe buŋo giore oŋgawowosi buru

2 ¹Ya qoruine oi oŋgawowosi gio. Nonji ore maŋ papakarere buŋo miku maŋ-ŋaŋuŋ iŋi bapakarego: Ŋoŋo ŋiŋigo sosowo yoŋore oŋga wosiru yameŋ keku karieru Anutu weu teru daŋge miku goinebi.

²Kiŋ koito eru gawmande siŋaŋ ŋiŋigo fuŋne fuŋne yoŋore eru oŋga wosiru goinebi. Oŋu kitiŋ yarekabuŋ poretiŋ akonŋ siŋaŋ nobekabi womo paiineo waigo gokimiŋ. Oŋu goku Anuture mi boyoberu eebobo poretiŋ eru baku goboneŋ kuririineke fukeeiŋ. ³Oŋgawowosi gio oŋuine oiŋi fiine yobu fukega. Oi Anutu, Munaŋqoqo Raunoŋunde jiŋo maio soine sagaga. ⁴Iŋoji ŋiŋigo sosowoji Biŋe buŋo foriine mane mukuru maŋyaŋuŋ kerisiebi munaŋ qa yareko qowirienimiŋ ore maŋ aŋiine maneega.

⁵Anutu moakonji goga eru ŋiŋigo Anutuke qodure nobeiŋ ore ŋi moakonji oŋuakonŋ goga. Ŋi moakonŋ Yesu Kristoji qodure nobeiŋ ore sanaŋgako goineji oi embimbiŋgaegobi. ⁶Iŋoji agiburaŋ ŋiŋigo sosowo noŋunde due baiŋgore gogoine kisiŋgaru bokeya. Biŋe buŋo oi Anutuŋi damaŋ ruame goineji damaŋ poretiŋ oo fuŋgaru kitiŋgaku mitaniŋgabi noŋunde wareya. ⁷Ore eru Anutuŋi aposol fukebemiŋ ore igodoŋ nuru sore nume kiŋaŋine qaku kantri so roregaego. Ŋiŋigo Yesu manesiŋ ganimiŋ ore Biŋe buŋo foriine yobu qaji yareego. Fuŋnene oŋu miku iko matayoŋ, buŋo foriine oŋu migo. Oŋu.^c

Ŋi eru ŋigo ŋoŋore gogo buru

⁸Ore eru maŋ aŋineji iŋi migo: Ŋi ŋoŋoji gbeŋ akonŋ kae so tumangaru oŋgawowosi gio ru baku goinebi. Kakane rosi eru kekepari bokeru maŋ-ŋaŋuŋ gbagbagame soine meŋaŋuŋgo bofeŋgaru Anutu oŋga wosieinebi. ⁹Ŋigo ŋoŋore uŋsowoŋ buŋo oi iŋi migo: Ŋoŋoji soki yoyomaŋaŋuŋ yomaru sakiŋaŋuŋ poretiŋ kemagaru goinebi. Kambaŋ soki fiine sari eru ŋone aŋiineke oi furiine sogoji so bainebi. Qoru sikiŋaŋuŋ qaku eri fuŋne

^c 2.7 2 Tim 1.11

fuŋne so ruaru mijeri erigaru bainebi. Niginbote me goul oiji so baeri einebi eru yoyoma furiine yasogo oiji roku erionbarion so einebi.^d

¹⁰Kuririnjanuŋ foriine oi eebobo fiine. Ŋigo Anuture mi egu odurenimiŋ ore kokoinjanuŋ maneru tinaine totogo mifukeegobi, ore so ŋoŋoji gio fiine fiine ore miine dimaku baeinebi. ¹¹Ŋiji qaji ŋarebi ŋigo ŋoŋo ŋoŋoŋaŋe baba waki eru Biŋe buŋo denanđenanŋ maneru namanjanuŋ siŋanŋaru wakimine eru miŋanjanuŋgo afagoŋ so bokirieinebiyoŋ, oi maŋ wombun-ŋanjanuŋgo ruaru goinebi.

¹²Ŋigo ŋoŋoji ŋi siŋaŋ yaberu qaji yabenimiŋ ore nonji 'Oŋ!' so migoyoŋ, tumangabi ŋoŋo waigo buŋoŋanuŋ bokeru ŋeinebi. ¹³Anutuŋi rone Adam bofukeru iŋore ŋadio Ewa (Iw) bofukeya.^e ¹⁴Kobenji Adam so eaduyayoŋ, ŋigo oi eadu teme buŋo odureru agiburaŋ baya.^f ¹⁵Jibu ŋigo yoŋoji gio buruyanuŋ boyoberu odumade roru Kristo manesiŋ garu eebobo gbagbataeŋine boyoberu maŋkekerisie ogopuyanuŋ manji jojoko eyareru waigo gonimiŋ ine, Anutuŋi soine munanŋ qa yareko qowirieru Sombuŋgo ropenimiŋ. Oŋu.

Ziozre gio siŋaŋ ŋoŋore buŋo buru

3 ¹Moŋi maŋkekerisie kufufunde mande siŋaŋ pasto ŋirau fukeiŋ ore anj manega, iŋoji gio tinabiŋeke kuririineke bofukeiŋ. Buŋo oi fofori yobu. ²Ore eru maŋkekerisie kufufunde mande siŋaŋ giore ŋi yo oŋuine roosoeru igodonŋgabi sagaiŋ: Monde sakigo bakare buŋo tomiri, ŋigo moakonde ŋoe, metoine iŋgunŋ tomiri, eeboboine poretiŋ sisiŋaŋ eeko araŋ ba teegobi. Iŋoreo warenimiŋ, oi soine kepore yaberu kewio eru uŋsowoŋ eyareku mamane poretiŋ qaji yareega.^g

³Moŋi obu sanaŋine noku jigo kosa qaku kekepari eru monende ebu eega, oi matayoŋ, moŋi soine ŋiŋigo bodure yabeku bomiriŋ yaberu denanđenanŋ eyareega, ŋoŋo ŋi oŋuine igodonŋgainebi. ⁴Moŋi iŋoyoŋunde ŋonunŋ madepuine soine siŋaŋ yaberu kajeqouŋyanuŋ eyareme odumadeineji araŋ ba teku buŋoine sosowo reŋgaru gogobi, oi igodonŋgabi dimaine. ⁵Siŋaŋ ŋi moŋi iŋoyoŋere garikiŋpuine siŋaŋ yabeŋ ore eru mosobofukega ine, iŋoji Anuture maŋkekerisie kufufuŋpuine uruŋu rau yabena? Oi embimbiŋana.

⁶Ŋi moŋi damaŋ joroine maŋine kerisieru qinŋ keru dimaga, iŋoji soine qoqodure gio bobo siŋaŋ fukeru goine. Moŋi damaŋ pompoŋine maŋine kerisieru raqo wareqo eru sakipepe eru omoineo qaku sakiine egu ba ropeiŋ. Sembene Rauineji kajegi eme Anutuŋi buŋoine mitariku igogaru yobeko wakiya. Ore so ŋoŋore siŋanji sakiine ba ropeme Anutuŋi oi Satan oŋuine mitarime egu wakiŋ. ⁷Siŋaŋ moŋi maŋkekerisiere yaura yoŋore botugo tinabiŋe fiine so osigana ine, ŋiŋigoji oi kosa misembeabi

^d 2.9 1 Pi 3.3 ^e 2.13 Jen 2.7, 21-22 ^f 2.14 Jen 3.1-6 ^g 3.2 Tai 1.6-9

Sembene Rauineji suba bitinjine ruame oiji odemuguko egu waki qainj. Oŋu.

Ewanjelis eru Biŋe gio ŋinjigo yoŋore buŋo

⁸Biŋe gio ŋinjigo^h yoŋoji oŋuakonj ŋinjigoji aranj ba yarenimiŋ ore so mikoroŋyaŋuŋ tomiri fukeru goinebi. Goineji buŋo maru yoyoka miku wain obu kokoine noku gbegbedi paiineo rembenjine goku monej yare yamej keegobi, oi so igodonj yabebi dimainebi.

⁹Oi matayoŋ, ŋinjigo mamananesinde buŋo foriine soŋsoŋine Anutuji barariŋga yareya, iŋoji baku oo qakatoru maŋyaŋuŋ egu kejigaiŋ ore sisiŋaŋ eku gbagbataeŋine gogobi, ŋoŋo oi igodonj yabeinebi. ¹⁰Oi oŋuakonj bonieru osoe yabebi buŋo migo ore so sananjaru dimakabi sagaiŋ ine, soine igodonj yabebi dimaku Biŋe giore ŋinjigoyaŋuŋ fukeru goinebi. ¹¹Yoŋore ŋigopujiⁱ oŋuakonj ŋinjigoji aranj ba yarenimiŋ ore so mikoroŋyaŋuŋ tomiri eru ŋadiqoqo buŋo miji kipoŋ so eku goinebiyoŋ, sakiŋepeyaŋuŋ tomiri dimaku gio sosowo boseqosembeyaŋuŋ tomiri baku goinebi.

¹²Biŋe gio ŋiji ŋigo moakonde ŋoe fukeru iŋoyoŋunde ŋonuj madepu eru kiŋaŋqoqopuine oi soine siŋaŋ yabeeine. ¹³Biŋe gio ŋinjigo gioyaŋuŋ fiine akonj baegobi, ŋinjigoji oi aranj ba yarekabi tinabiŋe fiine bofukeniŋ. Oi bofukeru soine koimo dimaku ŋinjigo maŋyaŋuŋ bapakareru Yesu Kristo manesiŋ gagobenej ore buŋo oi sananjaru mieinebi. Oŋu.

Anutuji Biŋeine soŋsoŋine barariŋga noreya.

¹⁴O Timoti, nonji pipa goreo wareru ŋone gubemiŋ ore origagoyoŋ, jibu quraŋ yo gore quraŋgago. ¹⁵Damaŋne bojororu egu warebemiŋ ore bonieru quraŋ yo iŋi ore quraŋgaru ruabe foga: Go Anutire maŋkekerisie kufufuŋpuine uruŋu siŋaŋ yabende eeboboyaŋuŋji poretiŋgaru fiine fukeiŋ, ore uŋsowoŋ buŋo oi osegaru maneigoŋ. Anutire kufufuŋpu noŋuŋ Anutire qoqodure zioz sa fukegobenej. Gogo Rauinere qakatokabenej qodure nobeko kae so tumanjaru buŋo foriine miku sauegobenej. Buŋo foriineji sembearu usuŋine egu wakiŋ ore goduine eru otuŋine fukegobenej. ¹⁶Anutuji munanjoqore fuŋne soŋsoŋine barariŋga noreya, niŋoji Biŋe buŋo oi mane taniŋgaru iŋi miku bofukegobenej:

^h 3.8 Mebapi (dikon) oi ŋi eru ŋigo mebapi (dikones) oi ŋigo, yoŋo pasto ŋirau keririŋyaŋuŋgo babapi gio baku maŋkekerisie kubu siŋaŋ yaberu Biŋe buŋoji gume yaberu sakire gio goine baku oiji kitij yabeegobi. Ewanjelis me maŋbapakare ŋinjigo yoŋo dobu sakiineo dimagobi, yoŋoji maŋyaŋuŋ kerisienimiŋ ore Biŋe buŋo qajiru oiji maŋyaŋuŋ bapakareru kajeqouŋ bujoyaŋuŋ yareegobi. ⁱ 3.11 Biŋe gio ŋigo eru Biŋe gio ŋire ŋonuj yoŋore mimiti yo miga.

Biŋe Rauine iŋoyoye moreŋ ŋi fukeru botunoyuŋgo fukeya. Fukeko buŋo koroino ruaiŋgo buŋo kosa baa bibiekabi Moro Tiriineji fuŋine posiine totogo noduya. Oi noduru bapakareko Ofoŋ fukeru pakoreru Sombuŋ mimerereŋ siŋaŋ yabeko kuririine fukeme piku ŋonebuŋ. Oi ŋonebi Anutuji ogagame Sombuŋgo roperu Anutuke ŋeku siŋaŋ nobeegobi. Siŋaŋ nobeme Biŋe buŋoine oi kantriine kantriine roregaru mitaniŋgabi kokoine yoyoji manesiŋ gaegobi. Oŋu mifukekabeneŋ foriine kuririineke fukega. Oŋu.

Buŋo ikoine qaji ŋarebi bojiqojibu fukega.

4 ¹Anutu Moroinoji buŋo iŋi mitaniŋgako poretiŋ mane mukugobeneŋ: Morende damaŋ tariiŋgo eiŋ, damaŋ oo ŋiŋigo boakoŋ yobu yoyoji mamanesiŋ bokeru Ofoŋ ŋadi gaku gemokaku yoyore meo rakanimiŋ. Oŋu rakakabuŋ gemokakuji boburoku qaji yareegobi, yoyore mamane buru boyoberu bojiqojibu gonimiŋ.

²Jijibu oi iŋi fukeiŋ: Goineji maŋkekerisie sasaki ebi Satanji moge soiine maŋyaŋuŋgo aeŋ koroiŋeji qakatoru maŋkajeyaŋuŋ kejiŋame komekiine fukeko buŋo ikoine kosa miku jibugaegobi. ³Yoyoji ŋiŋigo iŋi jijibu qaji yareegobi, 'Maŋkekerisie ŋiŋigo yoyoji ŋoe ŋonuy oŋuine so rorobaba eku goinebi eru uqo goine egu nonimiŋ ore sowo ruaru goinebi.' Oŋu jijibu qaji yareegobiyoy, Anutuji uqo munjaŋ sosowo oi nokimiŋ ore bofukeya. Oi ŋiŋigo Anutu manesiŋ garu buŋo foriine mane mukugobeneŋ, iŋoji oi mifiako soine danŋe miku nokimiŋ ore eru noreya.

⁴Anutuji ya sosowo bofukeya, oi fiine fukegobi. Oi ŋadi ganimiŋ ore so matayoy, ya rua noreiŋ, oi soine danŋe miku raugakimiŋ. ⁵Ya ŋiŋigo jiŋoyayuygo sowoineke fukena ine, oi soine Anuture buŋo miku oŋga wosibeneŋ usuŋineji ipororu munaŋ qame motenŋgaiŋ. Oŋu.

Kristo Yesure kiŋaŋqoqo fiine oi iŋi:

⁶Goji maŋkekerisie ŋiŋigo oŋu qaji yareru goku Kristo Yesure Biŋe gio bobo ŋi fiine fukeru goigoŋ. Goji Biŋe buŋo boyoberu go wapege, oi goine qaji yareru gake oŋuakoŋ buŋo fiine oi eru mamanesinde uŋsowoy buŋo sosowo osegaru manesuku oiji maŋgo gume ee goigoŋ. ⁷Moreŋ ŋiŋigoji nemu saiŋ buŋoine mitomi mibi Anuture Biŋe buŋoji mumu eiŋgo ega, oi bio yoberu ŋadi gaigoŋ. Oi ŋadi gaku Kristo oŋuine fukeru gomiŋ ore mande kekegbore eku goigoŋ.

⁸Anutuji gogo damaŋ yoo moreŋgo gogobeneŋ, oi mifiagaru noreko jiki seŋŋiŋbaŋŋiŋ gonimiŋ ore kikipe ruaya. Masiri oi saki fu gbgborere mendaine bapi noberu wawakiine fukegayoy, mande kekegbore oi otuyoyoyoy sanayine fukega. Ore eru mande eeboboine oi damaŋ so kegboreru gokande oiji ya sosowo oo maŋgo egareku kitiŋ guko goiŋ.

⁹Buŋo migo, oi nŋiŋigo sosowo roru maneru sabarekiminŋ ore so sananŋ qanŋqanŋine fukega. Buŋo sananŋ qanŋqanŋine mo oi inŋi:

¹⁰“Anutu gogo Rauine inŋoji nŋiŋigo sosowo munanŋ qa noreinŋgo manega. Maŋnoŋuŋ kerisieru manesiŋ gaekiminŋ ine, fofori munanŋ qa noreeiŋ. Oŋu manesiŋ gagobeneŋ. Goine niŋoji oŋu fukeiŋ ore oori oŋuine Anutu eteru dimaku gioine baku sakinonŋuŋ qaku jogbasasananŋ eegobeneŋ.”

¹¹Go nŋiŋigo buŋo ore so boyoberu eru baniminŋ ore mitigaru qaji yareru goiŋoŋ. ¹²O Timoti, jeŋonŋ goge ore moji egu mipemirinŋ guinŋ. Ore eru maŋkekerisie nŋiŋigo botuyanŋuŋgo mosi fiine inŋi yaduru goiŋoŋ: Buŋo fiine akonŋ miku eebobo poretiŋ boyoberu nŋiŋigo poretiŋ manŋi jojoko eyareru goiŋoŋ. Mamanesinde kekegbore damanŋ so baku Anuture gio basarigande ore eru manesiŋ guru goinebi. Oŋu gbagbataeŋine akonŋ fukeru bande nŋiŋigoji soine aranŋ ba garebi goiŋoŋ.

¹³Go damanŋ so Maŋkekerisiere Biŋe Quraŋ oi miine osegaru yameŋ keku mitaniŋgaru kufufuŋ maŋyanŋuŋ oiji bapakareru qaji yareru goiŋoŋ. Damanŋ mobeine yoo oŋu eru gokande nonŋi warebe sagaiŋ.

¹⁴Mineboboine yoŋoji meyanŋuŋ gore paio ruaru oŋga wosigabi Anuture kajeqouŋ buŋo gore fukeme Anutuji gio bobore mamane yanŋ gareko maŋgoo pega, oi so kesonŋgaigonŋyoŋ, ore paiineo gio baku goiŋoŋ. ¹⁵So kesonŋgaigonŋyoŋ, Biŋe Quraŋ osegaru mitaniŋgaru qaji yareru goiŋoŋ. Ya yokaomo oi yameŋ keku miine dimaku kegboreru goiŋoŋ. Etaŋqatanŋ so emiŋ ine, maŋgore touŋmoririji sogueme sananŋgaru koimo fukeiŋ, oi sosowoji ŋone mukuniminŋ.

¹⁶O Timoti, gakere maŋ sakigo sisinŋanŋ eeku maŋkekerisie gio poretiŋ qaji yareminŋ ore sinŋanŋo baku sabareku goiŋoŋ. Oŋu eru gominiŋ ine, go gake seŋŋinŋbanŋinŋ raugaminŋ eru buŋogo maneegobi, oi oŋuakonŋ seŋŋinŋbanŋinŋ qa yabende Sombuŋgo ropeniminŋ. Oŋu.

Koje eru nŋiŋigo pogo oi inŋi sinŋanŋ yareinebi:

5 ¹ŋi pogo oi joineke so mi botinŋ yabeigonŋyoŋ, mamago oŋuine marumunanŋineo buŋo ŋajiigonŋ. ŋi jeŋonŋ oi kakagbopugo oŋuine eyareru goiŋoŋ. ²ŋigo pogo oi maŋgogo oŋuine marumunanŋineo buŋo ŋajiigonŋ. ŋigo jeŋonŋ oi seŋpugo oŋuine eebobo gbagbataeŋine boyoberu aranŋ ba yareru goiŋoŋ.

³Koje tifeyanŋuŋ tomiri oi arambobo paiineo eyareku goiŋoŋ. ⁴Koje more ŋaso madepuine gogobi ine, yoŋoji fuŋfuŋgainŋe fukeru qoru eteru oi sinŋanŋ gainebi. Anutuji mitiga noreya, yoŋoji ore so yoŋoyaŋunde garikinŋpuyanŋuŋ sinŋanŋ maŋgo eyareniminŋ ore fuŋine mane mukuinebi. Maŋgo mamapunanŋunŋi rone damanŋ joroine sinŋanŋ maŋgo eyareru gobuŋ, yoŋoji ore tifeine bokirieru tifeyanŋuŋ bomuku yarebi Anuture jinŋo maio sagaiŋ.

⁵Koje ŋigo foriine, tifeine tomiri inŋoyoŋe akonŋ goga, inŋoji ooriine Anutu eteru oi jijiki una ubu weuku oŋga wosi teega. ⁶Inŋoji oŋu gogayonŋ,

ɲigo koje goineji maŋyaŋunji joineke fukeme aniyaŋuŋ sanaɲinere so ya kosabasa ore jambae baegobi, yoŋoji moreŋgo sakike gogobiyon, jibu manji komekiine fukegobi. ⁷Ore eru koje yoŋore sakigo bakare buŋo so peko gonimiŋ ore oŋuakon mitaniŋga yareku goigon.

⁸Moji iŋoyonere tifepuine so siŋaŋ maŋgo eyareru boke yabeko begu gogobi, iŋore eeboboji sembea forega. Iŋoji Ofon manesiŋ gaga ore buŋo oi eeboboineji mugaru maŋkekerisiere yaura kamasi odureru sembeqambe eru goga.

⁹Maŋkekerisie kufufuŋ yoŋoji koje goine qodureru siŋaŋ maŋgo eyaregobi, koje moji yoŋore buruo wapeiŋ ore (aplikesin) weweu ruaiŋ ine, ɲigo oi osoeinebi. Osoebi iŋi fukeme iŋo akon tina buru oo jikigaru quraŋgaru ruaiŋ: Moji gosaine 60 odureru ɲi moakonde ɲonuŋ goya. ¹⁰Oŋu gokame goineji fuŋinere iŋi kitiŋgaku miegobi: Iŋoji gio fiine fiine baku goku odumade siŋaŋ garu kajeqouŋ buŋo yajime maneru soguebuŋ. ɲiŋigo kotuine piineo kepo yaberu ɲonemaiŋ yabeku Kristore ogopuine gbagbataeŋineji warebi wiyaŋuŋ jureru komon garu uqo obu rigaru gume yabeku goya. Koŋkon maŋineo gobuŋ, oi bobiaŋ yaberu gio fiine sosowo baiŋgo ore maŋine damaŋ so kiperu miine dimaku goya. Koje oŋuine buru papiago quraŋgaru siŋaŋ yabeku goinebi.

¹¹Koje ɲigo pogo so fukegobi, yoŋore tina oi tina buru papia oo so ruaigon. Oi ruanon ine, yoŋore aŋi sanaŋineji jo jako ɲi moke roŋgo ore maŋyaŋuŋ pakereme Kristo keoma eteru zioz gio egu bokenimiŋ. ¹²Oi bokeru rone Kristore mi reŋgakimiŋ ore mimipaŋ buŋoyaŋuŋ totogo mikipebuŋ, oi qabi jaŋgaru mataame Kristoji buŋoyaŋuŋ mitariku mimi qa yareko omaine kosa egu gonimiŋ.

¹³Omaine yobu kosa goku jikigaru iŋi egu sembeanimiŋ: Piine piine kosa roregaru damaŋ sibiriganimiŋ ore fuŋine niga yaberu rembeŋine fukeniŋi. Rembeŋine fukeru jikigaru sembearu buŋo kisonŋaru kosa miku buŋo rurumaŋineo so raru yoŋoyaŋunde aŋi boyoberu gio bobo kamasi oruŋgato egu gonimiŋ. Oi me oi kosa gbedigaru gio foriine so baku goine yoŋore ya babi egu jibugaiŋ. Buŋo goine yoŋore ya matayon, jibu oi omaine kosa miku sauenimiŋ.

¹⁴Oŋu egu enimiŋ ore aŋine maneru iŋi migo: Koje ɲigo pogo so fukegobi, yoŋoji ɲi roru odumade roru piyaŋuŋ siŋaŋ garu gokabi sagaiŋ. Oŋu ebi kisononunji botunonunŋgo misembea nobeiŋgo fuŋne baaru oi so bofukeiŋ.

¹⁵Koje goineji yoŋoyane sisiŋaŋ so ee eku Kristo ɲadi gaku wakiru Satande kadio rakaru boyoberu gogobi. ¹⁶Maŋkekerisie kufufuŋ noŋuŋ ɲigo koje yobu, tifeyaŋuŋ tomiri gogobi, oi siŋaŋ yabekimiŋ ore igodon yabeegobeneŋ. Ore eru maŋkekerisie ɲigo more tifepuineji koje fukegobi, iŋoji oi ɲonemaiŋ eyareru goiine. Ore yobiŋi zioz kubu ɲoŋore paio so ropeine. Oŋu.

Ziozre minebobo oi inji ñone siñañ eyarekimij:

¹⁷Minebobopunoñuñ mañkekerisie kufufuñ soine siñañ yabeegobi, yoñoji ore furiine bokieru arambobo ropekiine yaduru goinebi. Yoñoreone goineji Biñe buño mitaññgaru qaji ñareegobi, ore eru kitijñañuñ jikigabi ropeme yareru goinebi. ¹⁸Biñe Qurande buño moji ore fuñine oi inji miga,

“Wit kurumbure koruñ eru komoñine boroññganimiño bulmakao ñiine ogagabi kurumbu qoko paiineo oderu odejañgaega, iñore mi oi so bojigainebi. Oñu gumebi soine uqo tifeine noko sagaiñ.”

(Ore so qoroji wasoñañ baku joma bomukuko qaku mobeine otebi noko sagaiñ.) Buño mo inji pega,

“Moji gio bako goineji furiine otebi sagaiñ.”^j

¹⁹Mineboboine more sakigo buño kosa ruaru mitebi yoyoka me yokaomoji oi so kitijñanimiñ ine, oi buño koroineo so ruaigoñ.^k ²⁰Uri yoñoji agiburañ baegobi, goji oi totogo kane yaberu miyarende sosowo buñogo oi maneru agiburañ egu banimiñ ore kokoi maneru sisiñañ eeku goinebi.

²¹O Timoti, buño qurañgaru mitiga garego, oi reñgaru boyoberu goigoñ. Ñi me ñigo mo so ñoneañi eru goine so sure yabeigoñ. Ore eru more buño oi bonieru kosa so kipeigoñ. Ñiñigo sosowo sogokoñ osoe yareigoñ. Oñu eminde buño oi Anutu, Kristo Yesu eru Sombuñ mimerereñpuyakuñ gbagbataeñine yoñore jiño maio miku oi mimipañ buñoji kipende manebe sagaiñ.

²²Goine yoñore agiburañji gore paio ropeme mimi egu bofukemiñ. Ore eru moji “Ofonde gio babemiñ,” me “Mañkekerisie kubu jigigabemiñ,” miga, iñore fuñne bonieru so osoeru mego afaine iñore paio so ruaru mifia teigoñ. Gake gbagbataeñine gomiñ ore sisiñañ eeku goigoñ.

²³O Timoti, go damañ goine jibe fuke gareko “Yaenmaeñ!” isimbirin qaku peege. Ore eru obu akonñ so noigoñyoñ, wain obu goine oñuakon nonde kobeugo bapigame afagaiñ.

²⁴Buño mo oi inji: Ñiñigo goineji agiburañ ebi pipa totogo fukeko ñiñigoji ñoneru bonieru mitaribi damañ yoo mimiyañuñke dimaegobi. Oñu dimaegobiyonñ, goineji agiburañ eku susumuñ eru goku jiki Anuture jiño maio ropebi totogo fukeko mitari yareiñ. ²⁵Ñiñigo gio fiine kuririineke baegobi, gio oiji oñuakon damañ yoo totogo akonñ pega. Gio fiine goine totogo so penimiñ ine, oi oñuakon soñsoñgo peiñ ore embimbiñgaru jiki fukeko ñonekimij. Oñu.

Kiñañqoqo yoñore uñsowoñ buru

6 ¹Kiñañqoqopuñañuñ sosowo rauyañunde begi osigaru gio furiyañuñ tomiri baegobi, yoñoji raupuyañuñ jauba kosa so eyareinebiyoñ,

^j 5.18 Dut 25.4; Mat 10.10; Luk 10.7 ^k 5.19 Dut 17.6; 19.15

arambobo sosowo yadukimiŋ ore so ɲone yaberu goinebi. Ɔɲoɲoɲi goine yoŋoɲi Anuture tina igojiburu egu minimiŋ ore yameŋ keku dimainebi. Anuture Biŋe buŋo ɲiŋigo qaji yarebeneŋ miti buŋo oi ɲoɲore eebobo ore eru ɲadi gabi egu sembeaiŋ. ²Raupunaŋuŋ goineji maŋkekerisie ogopunaŋuŋ fukegobi, ore eru aramboboŋaŋunde manebi wawakiine so fukeine. Oŋu matayoŋ, raupunaŋuŋ kinŋaŋ qa ɲarebi gioyaŋuŋ fiine fukeega, yoŋoɲi Kristo manesiŋ gabi yoro ogo fuke ɲarebi ore eru yameŋ keku raupunaŋuŋunde buŋo rurumaŋgo raru maŋ-ŋaŋuŋ gioo ruaru fiine akoŋ baku goinebi. Go oŋu mitigaru qaji yareru goigoŋ. Oŋu.

Biŋe buŋo mijibugabi manjo egu fukeiŋ.

³Ofoŋnoŋuŋ Yesu Kristoji mande kekegbore ekimiŋ ore Biŋe buŋoine noreya, niŋoɲi ore so ɲiŋigo fianimiŋ ore qaji yareegobeneŋ. Moji Biŋe buŋo foriine ode jibugaru buŋo mobeine furuine ɲiŋigo qaji yareega, iŋoɲi yauraine fukega.

⁴Iŋoɲi sakiine ba ropeegayoŋ, buŋore fuŋne so mane mukuga. So mane mukuru mamanesinde buŋo mobeine mobeine miku babokiriru migobobo eiŋgo ore sase eega. Oŋu maneru goine yoŋoke gbedioosoe ebi foriine iŋi fukeiŋ: Mobemobe manji manetiqoti kekepari eeku maŋqoqo buŋo fofoine miku bosembe naduŋgadun egu enimiŋ ore sombu mamane eegobi. ⁵Oŋu eku mamanyaŋuŋ jibugame witijibu fukeru gogo foriinere fuŋne riruru iŋi manesuegobi: 'Manji kekegbore ebeneŋ oo kojinoŋuŋ fukeme oo oderu moneŋ mebo bofukekimin' Oŋu manesuku tumangaŋuŋ jijiki migobobo mi maneegobi.

⁶Oŋu eegobiyon, noŋuŋ Anutu Biŋeinere kekegbore eru moneŋ mebo pe norega, oo maŋ womo qoqo eegobeneŋ. Moro Tiriineji kojinoŋuŋ fukeko waigo enoreega ore fofori seŋgiŋbaŋgiŋ yasogo bofukeru kiwaqawaineke gogobeneŋ. ⁷Ore fuŋine oi iŋi: Noŋuŋ rone menoŋunji ya mo so baku omaine yobu moreŋgo fukebeŋ. Jiki oŋuakoŋ komeru moreŋ yo bokeru metariŋ rakimiŋ. ⁸Oŋu rakimiŋyoŋ, damaŋ yoo uqo eru kambaŋ mariku pe noreko oike roku waigo eru womo qoqo eeinebeneŋ.

⁹Oŋu eeinebeneŋyoŋ, ɲiŋigo moneŋ mebo yasogo bofukeniŋigo maneegobi, yoŋoɲi eesoigo bitiŋ oŋuine odetaribi wakiru yabeega. Wakiru yabeko aŋiyaŋuŋ sanaŋine sembene sembene oi kokoine fukeru maŋyaŋuŋ bojiqojibu babi kajegi eenimiŋ. Aŋiyaŋuŋ sanaŋine kekesiine oiji poreru kipe yabebi utugaku ketoqototie bofukeru sibiriganimiŋ. ¹⁰Moneŋ mebo anji sanaŋine oiji ya sembene sosowore fuŋqoduine fukega. Kokoineji yoŋoɲi moneŋ mebo maŋ aŋiyaŋuŋ maneru oruŋoruŋ keku tiŋtuŋ ekabi mamanesiŋyaŋunji jaŋgaru mataeme kosa gogobi. Manjo yasogo manekabi oiji qoqinŋaŋuŋ qopogame joiserereŋ kokoine maneru beusembe gogobi. Oŋu.

Polji Timoti giore mimiti ruaru oteya.

¹¹Kokoineji oŋu gogobiyon, Anuture ɲi go ya oŋuine oi use teru ɲadi gaku gogo yo oŋuine gomiŋ ore yameŋ keku goigoŋ: Eebobo poretiŋ

boyoberu Anuture gogo sanaḡine kegboreru goigoḡ. Mamanesinde kekegbore daman so baku ḡiḡigo fofori manḡi jojoko eyareru goigoḡ. Go yameḡ keku sanaḡaru dimaku ḡiḡigo waigo paiineo eyareru goigoḡ.

¹²Masiri ḡiji sisiri ruabi oo gbḡiḡ eiḡgo ore tobiriine sosowo qojugaru raga, go ore so mamanesiḡgo kegboreru Anutuḡi sisiri kuririineke ruame oo sanaḡaru daman so jigo qaku goigoḡ. Anutuḡi gogo sanaḡineo ropemiḡ ore oḡga gareya, go gogo oi qakatoru roru goigoḡ. Gogo sanaḡinere biḡe fukege, goḡi buḡo oi fiine akonḡ mifukende kokoineḡi oi maneru soine kitiḡgaku miegobi. ¹³Anutu ya sosowo bogboreega, go iḡore jḡo maio fuḡnego mifukende eru Kristo Yesure jḡo maio oi oḡuakonḡ mifukende maneya. Yesuḡi gawana Pontius Pailotre jḡo maio dimaku fuḡneine mitaniḡaru buḡo posiine yobu mifukeya, Kristo iḡore jḡoo iḡi mitiga garego:¹

¹⁴Go Biḡe buḡo kegboreru daman so reḡgaru boyoberu goigoḡ. Oḡu gokande moḡi “Go kadi ririru sembeamḡ,” buḡo oḡu migareḡi ore embimbiḡaiḡ. Ofoḡnoḡuḡ Yesu Kristoḡi moke fukeḡi ore odi, damanḡ mobeine yoo mande gio oḡu baku goigoḡ.

¹⁵Anutuḡi seḡḡiḡbaḡḡiḡ Rauine fukeru damaḡine ruame wareru fukeme oo Yesu Kristo soreme totogo fukeko ḡonekimḡi. Anutu iḡoyoye akonḡ Ropekiinenoḡuḡ fukeko sosowoḡi iḡore mea rurumaḡgo dimagobeneḡ. Iḡoji kiḡ koito yoḡore Ofoḡ eru muraḡ yoḡore qoru fukega. ¹⁶Anutu, seḡḡiḡbaḡḡiḡ Rauine iḡoji moakonḡ damanḡ mogo so komeḡi. Iḡoji kuririquraḡ kaeo paibe gokame sosowo niḡonoḡuḡ oo ropekimḡi ore embimbiḡakimiḡ. Morende ḡiḡigo moḡi oi jḡiḡoineḡi so piku ḡoneya eru ḡoneiḡgo embimbiḡaiḡ. Iḡore tinabiḡe miteḡ gakabeneḡ usuḡ Rauine kuririineke fukeru damaḡ tatariine tomiri ya sosowo siḡaḡ garu goḡi. Buḡo oi forimeḡ.

¹⁷Iḡiḡigo tinabiḡeyaḡuḡke damaḡ yoo moreḡgo ropekiine gogobi, oi goḡi iḡi mitiga yareru goigoḡ: Moneḡ meboḡi damaḡ mogo matae foreḡi. Ore eru yoḡoḡi maḡ-ḡaḡuḡ oo so ruaru goinebi. Moneḡ mebo paiineo dimaku sakipepe eru sigopou fukegobi ine, ooriyaḡunḡi jaḡgaru mataeiḡ. Maḡ-ḡaḡuḡ morende tebemarukugo so ruainebiyoḡ, Anutuḡi ya sosowo oo siḡaḡ ḡareiḡ ore eru odigabi sagaiḡ. Anutuke qakatoru dimakabi iḡoji soine ya fuḡne fuḡne oi boakonḡ yobu gogoo jeriekimḡi ore noreega.

¹⁸Iḡi mitiga yareku goigoḡ: Yoḡoḡi gio fiine fiine miine dimaku baku oḡuine oo kuririḡaḡuḡke fukeniḡi. Anuture jḡo maio kuririḡaḡuḡke fukeru afagaru jaueru goine bapi yaberu yaḡu saueru boroḡgaru goinebi. ¹⁹Oḡu Anuture jḡoo tinabiḡeyaḡuḡke fukeru gogore juḡe boreḡ foriine bofukeru ba saueeinebi. Juḡe boreḡ oḡuine oi gogore otuḡ goduine sanaḡine fukega. Oi ba saueru siḡaḡ garu soine jiki otuḡ goduine oo qḡi keru dimaku gogo foriine yobu roru goinebi.

¹ 6.13 Jon 18.37

²⁰O Timoti, Anutuji manesiŋ guru gio bobore mamane yaunŋ maŋgoo ruaya, oi gioo ruaru egu jibugaŋ ore sisiŋaŋ eeru goigoŋ. Morende buŋo mitomi omaine eru kekepari qoqopuse eku mibi jibugaega, oi bokeru ŋadi gaku goigoŋ. Goineji “Maŋgboroŋ mi manekimiŋ,” miku buŋo rerekaine misauebi raega. Maŋgboroŋ foriine oi oŋu miku jibugaegobi. ²¹Goineji mamane jijibuine raugaru mifukeru tiŋtuŋ ebi mamanesiŋyaŋunji gbanjiru wirieru jibugaya.

Anuture yaunmoririineji ŋoŋoke peine.